

خَطِ دَوْمِ يَوْحَنَّا

دُعا و سلام

۱ از طرفِ بزرگِ جماعت، بلده خاتونِ اِنْتِخابِ شُده و اولادای شی که ما اونا ره دَ راستی دوست دَرُم، نه تنها ما، بلکه پگِ کسای که حقیقت ره میدنه، ۲ بخاطرِ حقیقتی که دَز مو وجودِ دَره و تا اَبَد ام قد ازمو مومنه. ۳ فیض، رَحمت و سلامتی از طرفِ خُدا یعنی آتِه آسمانی و از طرفِ عیسیٰ مسیح باچه آتِه آسمانی، دَ راستی و مُحَبَّتِ قد ازمو وجودِ میدشته بشه.

تشویقِ یَوْحَنَّا بلده مُحَبَّتِ کدو

۴ ما غَدَرِ خوشحال شُدُم ازی که بعضی بچکیچای تُو ره پیدا کدُم که دَ راهِ حقیقتِ قَدَمِ

مِيزَنه، اُمُو رَقْمِ كِه آتِه آسْمَانِي دَز مَو حُكْمِ كَدِه.
 ۵ و آلي آي خَاتُو، اَز تُو يِگِ خَاهِشِ دَرُم؛ اَوَطُور
 نِيِيه كِه دَز تُو يِگِ حُكْمِ نَو نُوِشْتِه مُونُم، بَلَكِه
 اُمُو آسْتِه كِه اَز اَوَّلِ دَشْتِي، خَاهِشِ مِه اَمِي آسْتِه
 كِه يِگْدِيگِه خُو رِه مَحَبَّتِ كَنِي. ۶ و مَحَبَّتِ اِي
 آسْتِه كِه مَو دَ مُطَابِقِ اِحْكَامِ اَزُو رِفْتَارِ كَنِي.
 اَيْنَمِي حُكْمِ اَزُو آسْتِه، اُمُو رَقْمِ كِه شُمُو اَز اَوَّلِ
 شَنِيدِيدِ تَا دَ مُطَابِقِ اَزُو رِفْتَارِ كَنِيدِ.

خبردارِ كَدُو دَ بَارِهِ چَلْبَازِ و دَجَالِ

۷ چُونِ چَلْبَازايِ غَدْرِ دَ دُنْيَا بُر شُدِه كِه اِقْرَارِ
 نَمُونِه كِه عِيسِي مَسِيحِ دَ جِسْمِ ظَاهِرِ شُد. اَمِي
 رَقْمِ آدْمَا، چَلْبَازِ و دَجَالِ^a آسْتِه. ۸ خُو د رِه هُوشِ
 كُنِيدِ تَا اُمُو چِيْزايِ رِه كِه بَلْدِه شِي زَحْمَتِ

^a ۱:۷ صِفَتِ كَسَايِ آسْتِه كِه دَ ضِدِ مَسِيحِ آسْتِه و مَرْدُمِ

رِه اَز رَاهِ عِيسِي مَسِيحِ بُر مُونِه.

کشیدید از دست ندید، بلکه اجرِ کاملِ شی ره
د دست بیرید.

۹ هر کسی که د تعلیمِ مسیح ثابت قدم نمونه
و ازو دور موره، خدا قد ازو نییه. لیکن هر
کسی که د تعلیمِ مسیح ثابت قدم مونه، ام آته
و ام باچه قد ازو آسته. ۱۰ اگه یگو کس د پیش
شمو مییه و امی تعلیمِ ره نمیره، ازو د خانه
خو پذیرایی نکنید و قد ازو خوش آمد نکنید.
۱۱ چون هر کسی که قد ازو خوش آمد کنه، د
کارای بد ازو شریگ موشه.

سلامِ آخری

۱۲ اگرچه غدر چیزا درم که بلده شمو نوشته
کنم، مگم ما نمیخایم که قد سیاهی د روی قاغد
نوشته کنم، بلکه امید درم که د پیش شمو بییم
و روی د روی قد شمو توره بگم تا خوشی مو
کامل شنه.

۱۳ بچکیچای خوارِ اِنْتِخابِ شُدِه تُو، تُو ره
سلام مُوگیه.